

ATODLEN 9

Erthygl 2(1)

Y gofynion o ran pasbortau planhigion

RHAN A

Y gofynion o ran pasbortau planhigion ar gyfer unrhyw ddeunydd perthnasol yn Atodlen 6 neu 7

1. Caniateir ond dyrannu pasbort planhigion mewn cysylltiad â deunydd perthnasol a fu'n destun arolygiad boddhaol yn y man y'i cynhyrchwyd.

Gwybodaeth Cychwyn

I1 Atod. 9 para. 1 mewn grym ar 2.11.2018, gweler [ergl. 1\(2\)](#)

2. Rhaid i basbort planhigion fod ar ffurf—

- (a) label swyddogol sy'n cynnwys o leiaf fanylion y pasbort planhigion a bennir ym mharagraff 4(a) i (e); a
- (b) dogfen o fath a ddefnyddir fel arfer at ddibenion masnach sy'n cynnwys holl fanylion y pasbort planhigion a bennir ym mharagraff 4.

Gwybodaeth Cychwyn

I2 Atod. 9 para. 2 mewn grym ar 2.11.2018, gweler [ergl. 1\(2\)](#)

3. Ond pan fo'r pasbort planhigion yn ymwneud ag unrhyw ddeunydd perthnasol y cyfeirir ato yn Rhan B, caiff y pasbort planhigion fod ar ffurf label swyddogol sy'n cynnwys manylion y pasbort planhigion a bennir ym mharagraff 4 ac unrhyw wybodaeth arall sy'n ofynnol o dan Ran B.

Gwybodaeth Cychwyn

I3 Atod. 9 para. 3 mewn grym ar 2.11.2018, gweler [ergl. 1\(2\)](#)

4. Mae manylion y pasbort planhigion fel a ganlyn—

- (a) y teitl "EU-plant passport";
- (b) y cod ar gyfer yr Aelod-wladwriaeth lle y dyroddwyd y pasbort planhigion;
- (c) enw neu god corff swyddogol cyfrifol yr Aelod-wladwriaeth lle y dyroddwyd y pasbort planhigion;
- (d) rhif cofrestru'r cynhyrchydd, y mewnoforiwr neu berson arall sydd wedi ei awdurdodi i ddyroddi'r pasbort planhigion neu'r sawl y dyroddwyd y pasbort planhigion iddynt;
- (e) rhif wythnos y dyddiad yr atodwyd y pasbort planhigion i'r deunydd perthnasol, neu rif cyfresol neu rif swp sy'n fodd o adnabod y deunydd hwnnw;
- (f) enw botanegol Lladin y deunydd perthnasol y mae'r pasbort planhigion yn ymwneud ag ef;
- (g) nifer y deunydd perthnasol y mae'r pasbort planhigion yn ymwneud â hwy (nifer y planhigion, y cynhyrchion planhigion, cyfaint neu bwysau);
- (h) pan fo'r deunydd perthnasol yn bodloni'r gofynion ar gyfer parth gwarchod, y nod "ZP" a'r cod ar gyfer y parth gwarchod;

Statws Golwg cyfnod mewn amser fel yr oedd ar 28/03/2019.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Iechyd Planhigion (Cymru) 2018, ATODLEN 9. (See end of Document for details)

- (i) yn achos pasbort planhigion amnewid, y nod “RP” a, phan fo’n briodol, god ar gyfer y cynhyrchydd neu’r mewnoforiwr a awdurdodwyd i ddyroddi’r pasbort planhigion gwreiddiol neu’r sawl y dyroddwyd y pasbort planhigion iddynt;
- (j) yn achos deunydd perthnasol sy’n tarddu o drydedd wlad, enw’r wlad y mae’r deunydd yn tarddu ohoni neu (os yw’n briodol), y wlad y traddodwyd y deunydd ohoni i Gymru.

Gwybodaeth Cychwyn

I4 Atod. 9 para. 4 mewn grym ar 2.11.2018, gweler [ergl. 1\(2\)](#)

5. O ran label swyddogol—

- (a) ni chaiff fod wedi ei ddefnyddio’n flaenorol;
- (b) rhaid iddo fod wedi ei wneud o ddeunydd sy’n addas at ei ddiben; ac
- (c) yn achos label gludiog, rhaid iddo fod ar ffurf a gymeradwyir at ddefnydd fel label swyddogol gan—
 - (i) yn achos pasbortau planhigion a ddyroddir yng Nghymru, Gweinidogion Cymru;
 - (ii) yn achos pasbortau planhigion a ddyroddir mewn mannau eraill yn yr Undeb Ewropeaidd, y corff swyddogol cyfrifol sydd â chyfrifoldeb mewn perthynas â dyroddi pasbortau planhigion yn y rhan berthnasol o’r Undeb Ewropeaidd.

Gwybodaeth Cychwyn

I5 Atod. 9 para. 5 mewn grym ar 2.11.2018, gweler [ergl. 1\(2\)](#)

6.—(1) Rhaid i’r wybodaeth sydd wedi ei chynnwys mewn pasbort planhigion—

- (a) bod mewn o leiaf un o ieithoedd swyddogol yr Undeb Ewropeaidd;
 - (b) bod wedi ei hargraffu, ac eithrio pan na fo’n rhesymol ymarferol gwneud hynny.
- (2) Pan fo’r wybodaeth wedi ei hargraffu, rhaid iddi fod wedi ei hargraffu mewn priflythrennau.
- (3) Pan na fo’r wybodaeth wedi ei hargraffu, rhaid iddi fod wedi ei nodi mewn teipysgrif neu ei hysgrifennu mewn priflythrennau.

Gwybodaeth Cychwyn

I6 Atod. 9 para. 6 mewn grym ar 2.11.2018, gweler [ergl. 1\(2\)](#)

7. Caiff dogfen ychwanegol o fath y cyfeirir ato ym mharagraff 2(b) gynnwys yr wybodaeth ychwanegol a bennir ym mharagraff 8 ar yr amod ei fod yn amlwg ar wahân i fanylion y pasbort planhigion sydd wedi eu cynnwys yn y ddogfen.

Gwybodaeth Cychwyn

I7 Atod. 9 para. 7 mewn grym ar 2.11.2018, gweler [ergl. 1\(2\)](#)

8. Yr wybodaeth ychwanegol yw unrhyw wybodaeth sy’n berthnasol at ddiben labelu’r deunydd perthnasol y mae’n ymwneud ag ef ac a nodir yn—

- (a) Erthygl 2(1) o Gyfarwyddeb y Comisiwn 1999/66/EC sy'n nodi'r gofynion o ran y label neu ddogfen arall a gaiff ei llunio gan y cyflenwr yn unol â Chyfarwyddeb y Cyngor 98/56/EC(1);
- ^[F1](b) Erthygl 5(2) Gyfarwyddeb Weithredu'r Comisiwn 2014/96/EU ar y gofynion ar gyfer labelu, selio a pheycynnu deunydd lluosogi ffrwythau a phlanhigion ffrwythau a fwriedir ar gyfer cynhyrchu ffrwythau sydd o fewn cwmpas Cyfarwyddeb y Cyngor 2008/90/EC;]
- (c) Erthygl 6(1) o Gyfarwyddeb y Comisiwn 93/61/EEC sy'n nodi'r atodlenni sy'n nodi'r amodau sydd i'w bodloni gan ddeunydd lluosogi a phlannu llysiau, ac eithrio hadau, yn unol â Chyfarwyddeb y Cyngor 92/33/EEC(2).

Diwygiadau Testunol

F1 Atod. 9 Rhn. A para. 8(b) wedi eu hamnewid (28.3.2019) gan Rheoliadau Materion Gwledig, yr Amgylchedd, Pysgodfeydd a Bwyd (Diwygiadau a Dirymiadau Amrywiol) (Cymru) 2019 (O.S. 2019/463), rhlau. 1(3), 27

Gwybodaeth Cychwyn

I8 Atod. 9 para. 8 mewn grym ar 2.11.2018, gweler [ergl. 1\(2\)](#)

RHAN B

Y gofynion o ran pasbortau planhigion a ganiateir ar gyfer deunydd perthnasol penodol yn Atodlen 6 neu 7

9. Rhaid i label swyddogol sy'n basbort planhigion neu'n rhan o basbort planhigion ac sy'n ymwneud ag unrhyw ddeunydd perthnasol a bennir yn y Rhan hon gydymffurfio â'r gofynion a ganlyn mewn perthynas â'r deunydd hwnnw.

Gwybodaeth Cychwyn

I9 Atod. 9 para. 9 mewn grym ar 2.11.2018, gweler [ergl. 1\(2\)](#)

10. Rhaid i label swyddogol mewn cysylltiad â chloron *Solanum tuberosum* L. a fwriedir ar gyfer eu plannu—

- (a) cydymffurfio â gofynion Erthygl 13(1)(a) o Gyfarwyddeb y Cyngor 2002/56/EC ar farchnata tatws hadyd(3);
- (b) cynnwys y teitl "EU-plant passport"; ac
- (c) pan fwriedir y cloron ar gyfer eu traddodi i ran arall o'r Undeb Ewropeaidd, ddarparu tystiolaeth eu bod wedi eu harchwilio yn swyddogol i sicrhau eu bod yn cydymffurfio â'r gofynion yn eitem 18.1 o Adran II o Atodiad IV Rhan A.

Gwybodaeth Cychwyn

I10 Atod. 9 para. 10 mewn grym ar 2.11.2018, gweler [ergl. 1\(2\)](#)

(1) OJ Rhif L 164, 30.6.1999, t. 76.

(2) OJ Rhif L 250, 7.10.1993, t. 19.

(3) OJ Rhif L 193, 20.7.2002, t. 60, y mae iddo ddiwygiadau nad ydynt yn berthnasol i'r Gorchymyn hwn.

Statws Golwg cyfnod mewn amser fel yr oedd ar 28/03/2019.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Iechyd Planhigion (Cymru) 2018, ATODLEN 9. (See end of Document for details)

11. Rhaid i label swyddogol mewn cysylltiad â hadau *Helianthus annuus* L.—

- (a) cydymffurfio â gofynion Erthygl 12(1)(a) o Gyfarwyddeb y Cyngor 2002/57/EC ar farchnata hadau planhigion olew a ffibr(4);
- (b) cynnwys y teitl “EU-plant passport”; a
- (c) pan fwriedir yr hadau ar gyfer eu traddodi i ran arall o’r Undeb Ewropeaidd, ddarparu tystiolaeth eu bod wedi eu harchwilio yn swyddogol i sicrhau eu bod yn cydymffurfio â’r gofynion yn eitem 26 o Adran II o Atodiad IV Rhan A.

Gwybodaeth Cychwyn

I11 Atod. 9 para. 11 mewn grym ar 2.11.2018, gweler [ergl. 1\(2\)](#)

12. Rhaid i label swyddogol mewn cysylltiad â hadau *Solanum lycopersicum* L.—

- (a) cydymffurfio â gofynion Erthygl 28(1)(a) o Gyfarwyddeb y Cyngor 2002/55/EC ar farchnata hadau llysiau(5);
- (b) cynnwys y teitl “EU-plant passport”; ac
- (c) pan fwriedir yr hadau ar gyfer eu traddodi i ran arall o’r Undeb Ewropeaidd, ddarparu tystiolaeth eu bod wedi eu harchwilio yn swyddogol i sicrhau eu bod yn cydymffurfio â’r gofynion yn eitem 27 neu 29 o Adran II o Atodiad IV Rhan A.

Gwybodaeth Cychwyn

I12 Atod. 9 para. 12 mewn grym ar 2.11.2018, gweler [ergl. 1\(2\)](#)

13. Rhaid i label swyddogol mewn cysylltiad â hadau *Medicago sativa* L.—

- (a) cydymffurfio â gofynion Erthygl 10(1)(a) o Gyfarwyddeb y Cyngor 66/401/EEC ar farchnata hadau planhigion porthiant(6);
- (b) cynnwys y teitl “EU-plant passport”; ac
- (c) pan fwriedir yr hadau ar gyfer eu traddodi i ran arall o’r Undeb Ewropeaidd, ddarparu tystiolaeth eu bod wedi eu harchwilio yn swyddogol i sicrhau eu bod yn cydymffurfio â’r gofynion yn eitemau 28.1 a 28.2 o Adran II o Atodiad IV Rhan A.

Gwybodaeth Cychwyn

I13 Atod. 9 para. 13 mewn grym ar 2.11.2018, gweler [ergl. 1\(2\)](#)

(4) OJ Rhif L 193, 20.7.2002, t. 74, fel y’i diwygiwyd gan Gyfarwyddeb y Cyngor 2002/68/EU (OJ Rhif L 195, 24.7.2002, t. 32); mae offerynnau diwygio eraill ond nid yw yr un ohonynt yn berthnasol.

(5) OJ Rhif L 193, 20.7.2002, t. 33, y mae iddo ddiwygiadau nad ydynt yn berthnasol i’r Gorchymyn hwn.

(6) OJ Rhif L 125, 11.7.1966, t. 2298, fel y’i diwygiwyd gan Gyfarwyddeb y Cyngor 96/72/EC (OJ Rhif L 304, 27.11.1996, t. 10); mae offerynnau diwygio eraill ond nid yw yr un ohonynt yn berthnasol.

Statws

Golwg cyfnod mewn amser fel yr oedd ar 28/03/2019.

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Iechyd Planhigion (Cymru) 2018, ATODLEN 9.